



UNIVERSITÄTS-
BIBLIOTHEK
PADERBORN

Universitätsbibliothek Paderborn

Exercitivm Perfectionis, Et Virtvtvm Christianarvm

In tres Partes distinctum

Rodríguez, Alonso

Coloniæ Agrippinæ, 1622

II. In quo malitia vitii huius vanæ gloriæ consistat.

urn:nbn:de:hbz:466:1-40072

gloso statu s̄epe ipsum prædicandi officium, aut aliud quid simile cum intentione quidem animarum iuuandarum aufpicamur; postea tamen ipsa subingreditur vanitas, & hominibus per id placere & gratificari, aut ab ipsis aestimari, magni fieri, ac celebrati quærimus: quæ illicia & præmiola vbi defuerint, tandem in eo aut segnescere, aut saltē non libenter, sed inuite illud agere videatur.

C A P V T II.

In quo malitia vitii huius vanæ gloriae consistat.

Vitii huius malitia in eo proprie consistit, quod homo vanæ glorioſas se pergloriam & honorē euhere gestit, qui soli Deo proprius est. *Soli Deo honor & gloria*: quemque alteri ipse dare non vult, sed sibi soli referuare, *Gloriam meam alteri non dabo*. Vnde sic Deum alloquitur Augustinus: *Quienque laudari cupit per id quod tuum donum est, & in eo quod agit bonum, non tuam, sed suam gloriā querit hic fur est & latro, & damoni similis, qui tuam furari gloriā volunt*. In omnibus Dei operibus duo notandum Dei, primo fructus & utilitas, deinde honor & gloria ex his operibus resultans. vt scilicet ipse operis auctor & artifex propter ipsum laudetur, & aestimetur & honoretur. In hac igitur vita Deus statuit ac vult, vt omnis operum suorum fructus cedat homini, at omnis gloria vni sibi. *Vniuersa propter semetipsum operatus est Dominus, Et creauit Dominius omnes gentes in laudem, & nomen & gloriā suam: hic etiam omnia creatalia eius nobis sapientiam, bonitatem & prouidentiam assidue deprædicant & enarrant. Atque ideo etiam cœli & terra dicuntur plena esse gloria eius. Vnde dum quis in operibus bonis gloriam & honorem hominum quærit,*

eum, quem Deus in operibus bonis ordinem posuit, peruerterit, Deoque iniuriam irrogat, dum scilicet cupid & fatigat, vt homines, qui in Deo honorando & laudando semper occupari se deberent, in se uno laudando & aestimando occupentur; dum etiam vult & procurat, vt hominum corda, quæ Deus creauit ut refissent vasa, quæ Dei eiusdem gloriam & honorem præ plenitudine eructarent, suo vnius honore & aestimatione repletantur. Hoc item est corda humana Deo furari, ac propria quodammodo domo & habitaculo ea expellere. Ecquæ igitur maior dari iniqutis potest, quam & honorem Dei, & hominum corda furari? & ore quidem dicere, vt Deum unum respiciant, animo vero & corde velle, vt fuos a Deo oculos auertendo, eos in nos coniijcant? Verus humilis in nullius rei creatæ corde vivere cupit, sed in solo Deo, nec ut sui quisquam meminerit, at Dei solius; nec ut ipse hominum sermofit, sed unus Deus in omnium ore deferatur, suo denique omnes hunc solum corde excipiāt & perpetuo retineant.

Vitii huius grauitatem & malitiā hæc etiam similitudo & comparatio liquido demonstrabit, si qua mulier conjugata sese comeret & ornaret, quo alii cuidam, præterquam marito suo, complaceret; nemō non videt, quantum hoc modo coniugi suo iniuriam irrogaret: Sic qui opera bona, quæ quædam velut sunt ornamenta, quibus animam nostram adornamus & insignimus, facit ut alii præterquam Deo, qui eiusdem sponsus & maritus est, placeat, insignem illi iniuriam faciet. Adhæc cogita, quam turpe foret & probrolum, si quis nobilis se ideo magni ficeret, quod exiguum quendam leuemque in Regis illius gratiam laborem subiesseret, qui ante nobilis huius causa magnam cum infamiam, tum laborem variis in casibus subiesseret: quam vero etiam infame futurum, si nobilis

bilis hic insuper apud alios sese obhasce
inanias & puerile hocce facinus Regis
causa assumptum iactaret & gloriaretur?
Quam hoc omnibus iniquum & indi-
gnum videretur! præsertim si & Rex sine
villa eius ope omnia hæc egisset, & uni-
uersum hunc laborem impendissem; tan-
tillum vero id quod nobilis fecisset, non
nisi magno Regis cum auxilio & fauore,
& auspicio, magnisque ante illectus be-
neficis, & post eisdem acceptis præsti-
tisset. Singula autem hæc sibi quisque
nostrum applicare poterit, ut confunda-
mur tum quod ob ea que agimus, nos
magni faciamus, & euanciscamus, tum
vero magis, quod ob aliquod opus nos
ipsi iactemus, & apud alios gloriemur;
cum si que nostri causa Deus præstet,
& ea que eius ergo nos præstare tene-
mur, inuicem comparemus, pudor sit
quod tam pauca agamus.

Vitii huius malitia inde etiam patet,
quod Theologi & sancti illud inter se-
tem illa via computent, quæ commu-
niter mortalia nominantur, etiæ magis
proprio nomine capitalia dicantur;
quod reliquorum peccatorum cœu capi-
ta sint & principia. Alii quidem octo
numerant vitia capitalia, & primum esse
dicunt superbiam, secundum vanam
gloriam: Verum communis sanctorum
sententia, & quæ ab Ecclesia recepta est,
nonni septem capitalia vitia recenset,
hinc primum inter illa esse vanam glori-
am, ait S. Thomas, superbiam vero om-
nium septem esse fontem & radicem,
iuxta illud Sapientis, *Initium omnis pec-
cati est superbia.*

*Climach. de
vana gloria.*

*22. q. 132.
att. 4.*

Eccl. 10. 15.

C A P V T III.

De damno, quod vanagloria se- cum trahit.

Quantum, & quod damnum vanæ
gloræ virtutem secum trahat, mani-
feste nobis in Euangeliō declarat Re-

demptor his verbis: *Attendite ne iusti-
tiam vestram faciat coram hominibus, ut
videamini ab eis, alioquin mercede non ha-
bebitis apud Patrem vestrum qui in cœli
est. Nolite imitari hypocritas illos Pha-
risæos, qui omnia sua eo agebant intui-
tu, ut ab hominibus viderentur, extolle-
rentur, & æstimarentur: quia omnem o-
peris vestri fructum amittetis, Amen dico
vobis, receperunt hi mercedem suam. Vo-
luisti ab hominibus magni fieri, & æsti-
mari, hocq; te desiderium ad faciendum
id quod fecisti, impulisti; quare & illa tua
futura est merces, tuum præmium, næ est
quod amplius quid in altera vita speres.*
*Ah miserum te, qui tuam mercedem iam
recepisti, nec aliud habes quod speres.*
Vnde S. Iob: Spes hypocrita peribit; cuius lib. 1. n.
inquam qui illo intuitu sua est operatus,
vt ab aliis magni fieret & dilaudaretur.
Egregie id declarat S. Gregorius; quia lib. 1. n.
omnis æstimatio, & humanæ laudes &
*applausus, quorum intuitu se ad operan-
dum applicuit, iam vna cum vitæ halitu,*
*quem efflaurit, euanuerunt. Non ei plā-
cebit recordia sua. Quam te, ait Grego-
rius, deceptum & illatum inuenies tum,*
cum apertis tibi oculis & iam defecatis,
*clare perspicies te eo, quo regnum cœ-
lorum comparare potueras, nonni van-
am quandam hominum laudem & in-
anem plausum, dicentium, Quam bene
id dixit, quam egregium id eius facinus!*
comparasset! Qui pro virtute quam agit,
*humanos fauores desiderat, rem magni me-
riti vili pretio venalem portat; unde cœli*
*regnum mereri potuit, inde minimum tran-
sitorit sermonis querit. Que maior illu-
sio & fatuitas dari cogitarique potest,*
quam multum laborasse, permulta bona
opera fecisse, & post se ab omni mercede
*vacuum reperiire! Hoc est quod signifi-
care voluit Propheta Aggæus: Ponite, Agg. 3.⁵*
*inquit, corda vestra super vias vestras: se-
minatis multum, & intulistis parum; come-
distis, & non estis satiati; bibistis, & non
estis inebriati; operauistis vos, & non estis
calefacti; & qui mercedes congregauit, mi-
sit eos in sacculum pertusum. Quod po-
strenum*

In Conf.

Monast.

Tridu-

vana gl.

1. Coopu-

fratice.

2. Praem-

stis.

*3. Suppli-
cium mereti*